



## Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact [support@jstor.org](mailto:support@jstor.org).

## SONGS OF THE SPANISH JEWS IN THE BALKAN PENINSULA.<sup>1</sup>

### VIII.<sup>2</sup>

Arvolēra, mi arvolēra,  
Tan galana i tan džentil:  
La rais tyēne di oru  
I la rama di marfil.  
En la ramika mas čika  
Sta la dama tan džentil,  
Peñandusi lus sus kaveyus  
Kon un peñi di marfil.  
Por ayi pasó un kavayēru  
Kē asimežava<sup>3</sup> a Amadi:  
“Asi bivas, kavayēru,  
Si vistiš a Amadi?”  
“Byen lu vidi i lu konosku,—  
Letra mandava kon mi!”  
“Kwantu dyēraš, la mi siñora,  
Kē volu trušēra aki?”  
“Dyēra yō lus trēs mil dukadus  
Kē mi kedarun di Amadi.”  
“Mas dyēraš, la mi siñora,  
Kē volu trušēra aki!”  
“Dyēra yō lus trēs mulinus  
Kē mi kedarun di Amadi:  
El unu muēli kanēla  
I el otu muēli džinfil,<sup>4</sup>  
El mas čikitiku di eyus  
Muēli arina para Amadi.”  
“Mas dyēraš, la mi siñora,  
Kē volu trušēra aki!”  
“Dyēra yō lus mis trēnsadus  
Kon mi peñi di marfil.”  
“Mas dyēraš, la mi siñora,  
Kē volu trušēra aki!”  
“Dyēra yō las trēs fīžikas<sup>5</sup>  
Kē mi kedarun di Amadi:

<sup>1</sup> Concluded from Vol. I, No. 1, pp. 205-16.

<sup>2</sup> Another version is given in Danon's collection. <sup>3</sup> S. *semejar*. <sup>4</sup> “Clove.” <sup>5</sup> S. *hijica*.

La una meti la meza  
 I la otra para servir;  
 La mas ĉikitika di eyas  
 Para folgar i dormir.”  
 “Dyēraŝ vos el vvestru kuerpu  
 Kē volu truŝera aki?”  
 “A mal vaya el kavayēru  
 Kē estu fue a dezir!”  
 “No vus aravyeŝ, la mi siñora,  
 Kē yō so vvestru maridu Amadi!”  
 “Una vēs kē soŝ<sup>1</sup> mi maridu,  
 Kē siñal davaŝ a mi?”  
 “Debaŝo del peĉu syerd<sup>2</sup>  
 Un kavēyu vos akuŝaka<sup>3</sup> a mi.”

IX.<sup>4</sup>

Mi padri ēra di Brusa  
 Mi madri di Aragon:  
 Kazarunsi endžuntus,<sup>5</sup>  
 Nasyērami yō.  
 Mihamá<sup>6</sup> kē ēra regalada  
 En ĉika mi kazó,  
 Dyēra mi por maridu  
 A un riku pastor.  
 Al vēr di kazadu  
 Su vertud amostró;  
 El si komia la karni,  
 Lus gwēsizikus<sup>7</sup> yō;  
 El si komia el pan blanku,  
 I el morēnu yō;  
 El si komia el pēŝi  
 I las espinikas yō;  
 El si bevia el vinu,  
 I la agwa yō;  
 El si eĉava en la kama,  
 I en el terēnu yō.  
 Al fin di medža noĉi  
 Al agwa mē mandó:  
 Al suniziku<sup>8</sup> de la agwa  
 Durmyēra mi yō.

<sup>1</sup> *S. Sois.*<sup>2</sup> “Left.”<sup>3</sup> “To tie.”<sup>4</sup> Another version is given in Danon's collection.<sup>5</sup> *S. juntos.*<sup>6</sup> “Because.”<sup>7</sup> *S. huesecico.*<sup>8</sup> “Murmuring.”

Por ayi pasó un kavayēru,  
 Trēs bizikus mi dió.  
 Gway di mi, dizvinturada,  
 Kē pekadus fizyēra yō ?  
 Si mi maridu lu savi,  
 Matada seré yō !  
 Antis ke el mi mati,  
 Matarmi kēro yō.  
 “Ni vos mateš, mi siñora,  
 Ni teneš porké vos matar,  
 Kē yō so vwestru maridu,  
 Vwestru riku pastor !”

## X.

Mi madri salyó a la luna  
 Por ver mi bwena vintura  
 En el lunar,  
 Kē la luna al kavayēru  
 A medža noči al bel lunar.  
 Mi madri salyó a la estrēya  
 Por ver mi bwena planeta  
 En el lunar, etc.  
 “Nōn es, mi madri, la luna,  
 Sinōn mi bwena vintura  
 En el lunar, etc.”  
 “Mentideš, fiža, mentideš,  
 Kē la toka yō lē vidi  
 En el lunar, etc.”  
 “Nōn es, mi madri, la toka,  
 Sinōn mi kara redōnda  
 En el lunar, etc.”  
 “Mentideš, fiža, mentideš,  
 Kē la espada yō lē vidi  
 En el lunar, etc.”  
 “Nōn es, mi madri, la espada,  
 Sinōn mi bella garganta  
 En el lunar, etc.”  
 “Mentideš, fiža, mentideš,  
 Kē el kavayu yō lē vidi  
 En el lunar, etc.”

“Nōn es, mi madri, el kavayu,  
 Sinōn mis bellus trēnsadus  
 En el lunar, etc.”

“Mentideš, fiža, mentideš,  
 Kē al ladu volu vidi  
 En el lunar, etc.”

“I si milu viteš al ladu,  
 Mi padri milu merkó  
 Por un dukadu  
 En el lunar, etc.”

# XI.<sup>1</sup>

Alkansar al kavayēru,  
 Alkansar komu sayeta,  
 En lugar di ir a la karsil  
 Ondi la rēna se ia.  
 Topó la rēna en kavēyus,  
 En kavēyus i trēnsadus,  
 Peñandu lus sus trēnsadus  
 Kon un peñi di oru maru,<sup>2</sup>  
 I un espežu muy lindu,  
 Kē en el resta su peñadu,  
 Dandu loōris al Dyó altu,  
 Kē tan linda la a kreadu.  
 El rē por burlar kon eya  
 Kon el verdugu lē a dadu.  
 “Stati, stati, Andarlētu,  
 Mi pulidu inamoradu!  
 Dōs fīzikus di ti tengu  
 I dōs del rē, kē son kwatru.  
 Lus del rē suvin kavayu,  
 I lus tuyus mula i kavayu;  
 Lus del rē komin en mēza,  
 I lus tuyus al mi ladu;  
 Lus del rē van a la gēra,  
 I lus tuyus al mi ladu;  
 Lus del rē yevan espada,  
 I lus tuyus spada i endoradu.<sup>3</sup>  
 Mas ti kēro i mas ti amo  
 Kē non al rē kon su rēnadu:  
 El rē mi dava dinerus

<sup>1</sup> Another version is given in Danon's collection.

<sup>2</sup> “Pure.”

<sup>3</sup> (?)

I tu mi davas dukadus.”  
 Boltó su kara a la rēna,  
 Topó si al rē al ladu.  
 “Perdon, pardon, siñor rē!  
 Todu estu kē yō a favladu  
 Kē a noči, a medža noči,  
 Todu estu melu a soñadu.”  
 “Ya telu perdoní, la rēna,  
 Kon la kavēsa a un ladu.”  
 Mandó a yamar a Andarlētu,  
 Su pulidu inamoradu.  
 “Komu farēmus, Andarlētu,  
 Kē el rē mus a aminazadu?  
 Para mi topí remedžu,  
 Para vos, andá i bušká vus!”  
 A mal vaygan las mužeris  
 Kē en ombri si an kunfiadu:—  
 Tenyendu al rē por maridu  
 Xwé a buškar inamoradu.  
 “Mas ti kero i mas ti amo  
 Kē non al rē kon su rēnadu!”  
 Estas palavras dizyendu  
 La kavēsa lē a kortadu;  
 Estas palavras favlandu  
 La kavēsa lē ečó a su ladu.

XII.<sup>1</sup>

Yō kaminí por altas maris,  
 Navigi por las fortunas,  
 Kayí mi en sivdat ažena,  
 Ondi nōn mi kunosian.  
 Fayarun mi dōs dženeralis,  
 Lus mas grandis di Turkia:  
 “Kē buškavaš vos, buen mučaču?  
 Kē buškavaš por estas vias?”  
 “Buško yō al rē mi padri,  
 La korona kē tenia.”  
 “Una vēs kē tu lu buškas,  
 Kē señas di el darias?”  
 “Añus tenia sesenta,  
 La barva blanka tenia.”  
 “Una vēs kē tu lu buškas,

<sup>1</sup> Another version is given in Danon's collection.

El rē turku lu mataria."  
 Tomó lu manu por manu,  
 A mostrar selu iria:  
 Yevó mi en un monti iskuru,  
 Kē di negru paresia.  
 Razgósi el lus sus pañus  
 Di sayo asta kamiza.  
 Asta akí es el romansu.  
 Su alma en folgansa seria.

XIII.<sup>1</sup>

"Morenika mi yama  
 El fizu del rē;  
 Si otra ves mi yama  
 Yō mi vo kon el.

"Morenika mi yama,  
 Yō blanco nasí;  
 Di pasear galana  
 Mi kolor perdí."

"Abašēš, morēna,  
 Si aveš di abašar!  
 Kē la navi tengu en vēla,  
 Mi kēru andar."

Eya si viste di verdi  
 I di amariyu,  
 Kē ansi dizi la pēra  
 Kon el bimbriyu.<sup>2</sup>

Eya si viste di verdi  
 I di zurzuli,<sup>3</sup>  
 Kē ansi dizi la pēra  
 Kon el čufteli.<sup>4</sup>

Eya si viste di verdi  
 I di otru kolor,  
 Kē ansi dizi la roza  
 Kon el ambimbroy.<sup>5</sup>

De la mar abašu  
 Lu vidi venir:  
 "Kē aki yō vus asperu  
 A dar kidušin."<sup>6</sup>

<sup>1</sup> Another version is given in Danon's collection.<sup>2</sup> "Citron melon."<sup>3</sup> "Yellow peach."<sup>4</sup> "Peach."<sup>5</sup> Some flower (?)<sup>6</sup> H. = "betrothal."

De la mar abašu  
 Lu vidi abašar,  
 Kē akumpaṇadu vyeni  
 A dar irusin.<sup>1</sup>

“Abašēš, morēna,  
 A la xwenti<sup>2</sup> alta,  
 Kē toda la kē la vei  
 Keda preñada!

“Abašēš, morēnā,  
 A la xwenti di ariva  
 Kē toda la kē la bēvi  
 Vyeni parida!”

## XIV.

En la mar batin las olas,  
 Las mučačas durmin solas—  
 Si kereš saver, Bulisa,  
 La kantiga de las oras.

A tan alta kē va la luna.  
 A tan altu kē va al sol,  
 Kwandu durmi la kriatura,—  
 Si kereš saver, Bulisa,  
 La ora ya tañi una.

Di kantar ya no mi keda boz,  
 A la gwerda yevan el aroz,—  
 Si kereš saver, Bulisa,  
 La ora ya tañi dos.

A Istambol mi keria ir a ver,  
 Mi kuntarun kē es bwen a ver,—  
 Si kereš saver, Bulisa,  
 La ora ya tañi tres.

En Belugradu no ay garatu,<sup>3</sup>  
 El vinu bēvin baratu,—  
 Si kereš saver, Bulisa,  
 La ora ya tañi kwatru.

Al čurčiku<sup>4</sup> lu yaman riku,  
 Mi kuntarun kē es muy riku,—  
 Si kereš saver, Bulisa,  
 La ora ya tañi sinku.

<sup>1</sup> H. = “mode of betrothal.”<sup>2</sup> S. *fuentes*.<sup>3</sup> Some fish (?)<sup>4</sup> (?)



En el xan<sup>1</sup> ay una kubé,<sup>2</sup>  
 Lus morus lu yaman meš,—  
 Si kereš saver, Bulisa,  
 La ora ya tañi seš'.

Di alavar a lus mis paryentis,  
 En la bōka no mi kedó dyenti,—  
 Si kereš saver, Bulisa,  
 La ora ya tañi syeti.

Peši fritu i muy byen koču,  
 Por mezé<sup>3</sup> un bwen bizkoču,  
 Si kereš saver, Bulisa,  
 La ora ya tañi oču.

El mundu si aribolvi,  
 La preñada a lus mezis muēvi,—  
 Si kereš saver, Bulisa,  
 La ora ya tañi muēvi.

En la mēza kē ay muēzis,<sup>4</sup>  
 El vinu bēvin todus lus mēzis,—  
 Si kereš saver, Bulisa,  
 La ora ya tañi dyes.

La uyika<sup>5</sup> buyi i kozi,  
 Abasalda kē si aripozi,—  
 Si kereš saver, Bulisa,  
 La ora ya tañi onzi.

Aydi, aydi, kē es di noči,  
 En Yirušalaim bēvin leči,—  
 Si kereš saver, Bulisa,  
 La ora ya tañi dodzi.

XV.<sup>6</sup>

Raxel, mwestrā mađri, asuvyó a lus syēlus,—  
 Intanid in bokā avló kun el Viðraderu.<sup>7</sup>  
 Mirā kē alegriā ay en Istraël,  
 K' el Dyó de lus syēlus kē mulu deše ver.  
 En la kazā santā ay un almenarā,  
 Syeti brasus tyeni k' al mundu interu arelumbrava.  
 El beđamigdaš<sup>8</sup> lu stan fragwandu,  
 Kon pyeðrās presyozās lu stan aruðyandu.

<sup>1</sup> T. = "inn."<sup>2</sup> (?)<sup>3</sup> "Lunch."<sup>4</sup> S. *nuez*.<sup>5</sup> S. *ollica*.<sup>6</sup> Another version given in Danon's collection.<sup>7</sup> S. *verdadero*.<sup>8</sup> H. = "temple."

Xaxamím<sup>1</sup> kantavān; lus Leviím<sup>2</sup> baylavān,  
 I lus Koaním<sup>3</sup> karbān<sup>4</sup> ayigavān.<sup>5</sup>  
 Ay en el miðbar<sup>6</sup> tres palombās bolān,—  
 Malaxím<sup>7</sup> del syēlu avlavān bokā kun bokā.

## XVI.

Sinku añus ya v' azer  
 Ki yo tengu displazer  
 Kun un mansevu d' Izmir,<sup>8</sup>  
 Ki yo pur el mi vo murir,—  
 Noçi i dia kun pasyō  
 Azyendu la orasyō,  
 Arugandu al Kriaðor  
 Ki mi skapi d'est' amor.  
 Intri gwertās i veryelis  
 Yo bivir kun doloris  
 Un fistan mi vo kurtar,—  
 Gway, ki no lu vo gozar!  
 Unā kartā vo skrivir  
 A la mi mamā suvenir.  
 Ki la meldi i ki yori  
 Ki s' akoðrā<sup>9</sup> di mi.  
 Kazaminterus veyo venir  
 Parā dispuzarmi a mi.  
 Estu no lu pweðu sintir,  
 Ki aboltin lakardí!<sup>10</sup>  
 Unā kartā vo skrivir  
 A lus mansevus suvenir,  
 Ki no atin mas amor  
 Ki l'amor azi puðrir.  
 Yo kwandu mi vo murir,  
 En la pyeðrā vo skrivir,  
 Ki la meldin i ki yorin,  
 Ki l'amor azi puðrir.

## XVII.

Uyí dizir kē boðās ay pur akí, kē vengu a ver, Kē gozi i kē logri i kē  
 tengā munču byen! Uyi dizir, in esti palasyu kē gozi la novyā in un  
 mazal<sup>11</sup> muy klaru,—kazamyentu kē del Dyó es,—el novyu no kerí

<sup>1</sup> H. = "wise men."<sup>5</sup> S. *Uegar*.<sup>9</sup> S. *acordarse*.<sup>2</sup> H. = "Levites."<sup>6</sup> H. = "desert."<sup>10</sup> Conversation.<sup>3</sup> H. = "Cohanites."<sup>7</sup> H. = "angels."<sup>11</sup> H. = "luck."<sup>4</sup> H. = "treasure."<sup>8</sup> "Smyrna."

munčus dukaðus, keri a la novyā in mazal klaru. El novyu no keri dinerus, keri a la novyā in un mazal muy bwenu. Oy kazavā la blankā niñā kun un mansevu d'estās viyās,—kazamyentu del Dyó es,—kun un mansevu koma la rozā,—Syen añus kē turi dičoza.

## XVIII.

Un bwer<sup>1</sup> rey está xazinu,  
 I amandān pur lus doktoris,  
 Kwantus pur el mundu só.  
 Unus entrān i unus salen,—  
 Ningunu no l'aprovečo.  
 I amandān pur el mas grandi,  
 El mas grandi i el mayor.  
 A la suviðā del' eskalerā  
 Di roðiyās si suvyó;  
 Al' entraðā de la pwertā  
 La kavesā li kayó.  
 S' asintí a la kaviserā,  
 El pulsu li atintó.  
 Le preguntó el xazinu al doktor,  
 Ke tal li paresi.  
 Li dišo el doktor:  
 “D' esti mal kē tengu yo!”  
 S'abultó del otru kavu el xazinu,  
 Dišu el xazinu:  
 “Unus goðān las mužeris,  
 Yo pur gozar la vo dešar;  
 Unus goðān sus kriaturās,  
 Yo čikus lus vo dešar.”  
 Estās palavrās dizaendu,  
 Er rey se akavó,—  
 Er rey di primā noči,  
 El doktor a mañanā al alvor.

XIX.<sup>2</sup>

Al kinzi del mes la lunā en kresyenti,  
 Kwandu er rey Nemrod salyó estreyeru,  
 El indivinó kē nasia Mošé.  
 La mužer di Terax preñadā stavā,  
 Den dia en dia le dimandavā:  
 De kē yevaš la karā tan dimuðaðā?”  
 Eya si saviā el mal kē teniā,—

<sup>1</sup> S. *buen* (before *r*).

<sup>2</sup> Another version given in Danon's collection.

Si salýo pur lus kampus koma peðriðã,  
 Doloris teniã i parir keria,—  
 Andi lu paryerã in la mearã.<sup>1</sup>  
 Al kavu di oçu dias lu xwé a buškar,  
 Andi lu tupavã in la yešivã.<sup>2</sup>  
 Kwandu nasyó 'l ižu, arilumbravã  
 Komu 'l sol i la lunã a meðyu dia.  
 Kwandu nasyó 'l ižu, in lugo<sup>3</sup> avlavã:  
 "Indã<sup>4</sup> us, la mi maðri al vwestru lugar,  
 Kē yo ya tengu alicãðerãs,  
 I yo ya tengu miraðerãs, kē mi mirarãn."  
 Gran zaxut<sup>5</sup> tuvitiš, siñor di Avraam,  
 Kē kun su manu mizma s'izu birmilã!<sup>6</sup>  
 Gran zaxut tuvitiš, siñor pariðu,  
 K' afirmatiš la mitsva<sup>7</sup> d'Avraam avinu.<sup>8</sup>

## XX.

Estãs mezãs son del vinu,—  
 Bivã la patronã kun su mariðu!—  
 Estãs mezãs mezãs sô.

Estãs mezãs son del klaru,  
 Bivã la patronã kun su amaðu,  
 I las kē stan al deredor!  
 Estãs mezãs mezãs sô.

"S'aveš kumiðu koma 's la razon,  
 La patronã de la kazã muz<sup>9</sup> dimandã piðron."<sup>10</sup>

"No kumimus naðã, lindã kumpaňã,  
 No kumimus naðã, lindã kumpaňã,—  
 Beraxã<sup>11</sup> mus aga!"

"S'aveš kumiðu koma 's el dever,  
 La patronã de la kazã muz dimandã mersé."  
 "No" kumimus naðã, etc.

"S'aveš kumiðu peši de la mar,  
 Nainda sta pur alkansar,—  
 El peši sta pur alkansar,  
 La reynã sta pur enreynar."

<sup>1</sup> H. = "cave."<sup>5</sup> H. = "honor."<sup>9</sup> S. *nos.*<sup>2</sup> H. = "house of study."<sup>6</sup> H. = "circumcision."<sup>10</sup> S. *perdon.*<sup>3</sup> S. *luego.*<sup>7</sup> H. = "deserts."<sup>11</sup> H. = "blessing."<sup>4</sup> S. *andad.*<sup>8</sup> H. = "our father."

"No kumimus naðã," etc.

"Kun vrigwensã<sup>1</sup> vu lu diku,  
Kē ya mi vo kun mi amigu.  
Kun vrigwensã vu lu avlu,  
Kē ya mi vo kun mi amaðu."

"Iža, mi vayaš en la orã bwenã!"

## XXI.

Amor tengu, no paresku,  
Ni me do pur konsintir,—  
El la pwertã di la kayi  
L'alma ya mi va salir.  
Tres aňus d'amor ki ize,  
Al kwartér mi izvaćií.<sup>2</sup>  
Aňu i međyu di kazaðã  
Ufisyu no li tupí,—  
El ufisyu del mi mariðu  
Es ladron i kumardži.<sup>3</sup>  
El Taván<sup>4</sup> ki mi lu gwaðri<sup>5</sup>  
Di la manu del polis.<sup>6</sup>  
Pretã se yo, la mi maðri,  
Ni si tomi sixurá:<sup>7</sup>  
Lus ožus di lus mansevus  
Ya si inćin kun parás.

XXII.<sup>8</sup>

Morenã mi yamãn  
Yo blankã nasí.  
Di pasiyar galana  
Mi kolor piðrí.<sup>9</sup>  
  
Morenã mi yamã  
El ižu di alvor;  
Si otrã ves mi yamã  
Yo kun el mi vo.  
  
D'akeyãs vintanãs  
M'arondžan<sup>10</sup> flečãs;  
Si sô di amoris  
Vengãn derečãs!

<sup>1</sup> S. *virguenza*.

<sup>2</sup> T. = "to resign."

<sup>3</sup> T. = "gambler."

<sup>4</sup> T. = "god."

<sup>5</sup> S. *guardar*.

<sup>6</sup> "Police."

<sup>7</sup> "Care."

<sup>8</sup> Another version given in Danon's collection.

<sup>9</sup> S. *perder*.

<sup>10</sup> "Throw."

D'akeyās vintanās  
 M' arondžan arkus;  
 Si sô di amoris  
 Vengān al lađu!

Vestiðā di veðri<sup>1</sup>  
 I di alteli,—<sup>2</sup>  
 K'ansi<sup>3</sup> dizi la novyā  
 Kun su ċilibi.<sup>4</sup>

Eskalerikā l'izi<sup>5</sup>  
 Di oru i di marfil,  
 Kē vengā la novyā  
 A dar kídušin!

Eskalerikā l'izi  
 Di oru i di perlā,  
 Kē vengā el novyu  
 A dar beraxát!

## XXIII.

Kwandu Mošé Rabenu<sup>6</sup> kižu<sup>7</sup> érreynar<sup>8</sup>  
 Lus syēlus i la tyerā izu temblar.

Mirá, kē siñor erā Mošé Rabenu,  
 K'asuvyo i abašó a lus syēlus!

Un prezenti tengu, lu vengu a tomar,  
 K' ērā la ley santā i el sefér-torā.<sup>9</sup>

Un prezenti tengu, lu vengu a resivir  
 K' ērā la ley santā i el sefér-šeli.<sup>10</sup>

Mirá, kē siñor erā Mošé Rabenu,  
 K' abašavā i asuviā a lus syeti syēlus.

## XXIV.

Pariðā, el Dyó vus gwaðri,<sup>11</sup>  
 Kwantu keri la vvestrā madri,  
 Di toðu el mal!

Pariðā, el Dyó vus deši,  
 Kwantu keri la vvestrā dženti,  
 Di toðu el mal!

<sup>1</sup> S. *verde*.<sup>2</sup> Some color.<sup>3</sup> S. *que asi*.<sup>4</sup> T. = "lover."<sup>5</sup> S. *hice*.<sup>6</sup> H. = "our lord Moses."<sup>7</sup> S. *guiso*.<sup>8</sup> S. *enneinar*.<sup>9</sup> H. = "scroll."<sup>10</sup> H. = "second book of Moses."<sup>11</sup> S. *garde*.

Pariðā stavā la dweñā i pariðā soš!  
 Kē byen empleyaðās xwerun las doloris  
 Kē nasyó un ižu di beyās <sup>1</sup> koloris!  
 Syempri de kontinu a el Dyó daremus las loris.<sup>2</sup>

Ya vyeni el pariðu kun sus manus yenās  
 En la unā manu un masu di kandelās,  
 En la otrā manu mansanās i perās!

Kwandu la komaðri dizy'a la pariðā: "Haydi, haydi!"<sup>3</sup>  
 Respondi la pariðā: "Adunay,<sup>4</sup> kē mi skapi!"

Ya vyeni el pariðu al dib <sup>5</sup> de la kamā,  
 Dizya la pariðā: "Lu kē keris, mi almā?"  
 Respondi la pariðā kē esta bwenā.

## XXV.

Un riyo d'unā fwenti,  
 Unā saká <sup>6</sup> laví;  
 Al ruiðo del agwā  
 Yo mi aserki ast' ayí.

Sintí unā boz kē dziā:  
 "Ay de mi, ay de mi, ay de mi!"  
 Si komu mi aserki a su laðu  
 Beðyās <sup>7</sup> floris kurtí  
 Dispwes dixú <sup>8</sup> la niñā  
 I akayó, i akayó, i s' ezmáyó.

Si komu la viðé sulikā  
 Li diklarí mi amor;  
 Yurandu <sup>9</sup> mi dziā:  
 "No t' ulvides tu del Dyo."  
 Dispwes dixú la niña, etc.

Si komu la viðé sulikā  
 Al kafé la yeví;  
 Li divizi lu pretu,  
 Tres bezus l' estampí  
 Dispwes dixú la niña  
 Otrus tres, otrus tres, s' azin seš.

<sup>1</sup> S. *bellas*.<sup>2</sup> S. *loores*.<sup>3</sup> Turkish greeting.<sup>4</sup> H. = "my Lord."<sup>5</sup> T. = "side."<sup>6</sup> T. = "collar."<sup>7</sup> S. *varias*.<sup>8</sup> "Fainted."<sup>9</sup> S. *llorando*.

Al despartirme d'eya  
 Un abrasu mi diyó  
 Non si viđo muriente  
 Non si viđo muriente  
 Dispwes dixú la niña  
 I akayó, i akayó, i s'ezmayó.

XXVI.<sup>1</sup>

Nočis bwenās, nočis bwenās,  
 Nočis sô d' inamorar;  
 Nočis sô d' inamorar,  
 Dandu bweltās pur la kamā  
 Koma 'l peškađu en la mar.  
 Estā noči, la mi mađri,  
 No la puđe sinportar:  
 Luvyās kain di lus syēlus,  
 Lagrimās di mis ožus.  
 Tres ermanikās erān,  
 Tođās tres a un metá;  
 Saltó la primerā d' eyās,  
 Mađri miya, la mi keriđa,  
 Nunkā no va ver kazar.

## XXVII.

Unā noči al lunar  
 Mi salí a pasiyar.  
 Un mansevu mi topó  
 Al gazinu mi yevó.  
 El la siya m' asentó  
 Unā birā mi dyó.  
 Mi dimand' a caz' aparte  
 Vintanās para yalí;<sup>2</sup>  
 Mi dimandā unās dimandās  
 Kē mi azin tresalir:  
 "Yamaremus Xazaním"<sup>3</sup>  
 Kē mus den lus kidušín!"

XXVIII.<sup>4</sup>

Andandu pur estās maris  
 Navigí kun grandi fortunā,

<sup>1</sup> *R. d. É. J.*, Vol. XXXIII, p. 119, has a variant of this.<sup>2</sup> *T.* = "seashore."<sup>3</sup> *H.* = "cantors."<sup>4</sup> *R. d. É. J.*, Vol. XXXIII, p. 115, has another variant of this.



Kayí in tyerās aženās  
Andi no mi kunusian  
Andi no kantavā gayo  
Ni la leonā arespondiā.  
Lagrimās di mis ožus  
Barru l' amasaré;  
Kun las plantās de las manus  
El barru lu embarraré;  
Kun suspirus di su almā  
El barru lu enšugaré,  
Tođu ombri k'es kaminanti  
Kun mi lus tumaré.  
El ki konti di sus malis  
Di lus miyus yo li kuntaré.  
Si lus suyus sô mas munčus  
A pasyensyā mi lus tumaré.  
Si lus miyus sô mas munčus  
A pasyensyā mi lus tumaré.

LEO WIENER.

HARVARD UNIVERSITY.